

SCRIPT OF EVENING GOJRI NEWS BULLETIN 2JUNE 2025

1700HRS

اونینگ گو جری نیوز بلیٹن مورخہ 2جون 2025

یوہ آکا شوانی جموں بے نصرت تے اظہر حسین تیں خبر سُنو۔

HEADLINES

- ۱۔ بھارت تے پیرا گوے نے کئی عالمی اداراں مانہ مل غے کم کرن ور اتفاق ظاہر کیو ہے۔
- ۲۔ سابق وزیر اعلیٰ محبوبہ مفتی نے لیفٹیننٹ گورنر تیں ملاقات کی تے مختلف امور ور تبادلہ خیال کیو۔
- ۳۔ جل شکتی غا وزیر جاوید رانا نے عید الاضحیٰ غی تیاریاں بارے ایک اعلیٰ سطح میٹنگ غی صدارت کی۔
- ۴۔ لاوینڈر فیسٹیول اختتام پزیر ہوو تے اس موقع ور علاقہ مانہ لاوینڈر غی کھیتی غی کامیابی تے ترقی غو جشن منایو گیو۔
- ۵۔ جموں اکھنور تے راجوری قومی شاہراہ ور نوشہرہ آلو بڑو ٹنل تقریباً مکمل ہون آلو ہے۔

PM PARAGUAY PREZ

بھارت تے پیرا گوے نے اقوام متحدہ سمیت مختلف عالمی تنظیمیں مانہ مشترکہ دلچسپی غا معاملات ور ایک ساتھ کم جاری رکھن غی خواہش کی ہے۔ وزیر اعظم نریندر مودی تے پیرا گوے غا صدر نے اج نوی دہلی مانہ دو طرفہ ملاقات کی تے تجارت دفاع صحت تے زراعت تیں متعلق امور ور گفتگو کی۔ اس موقع ور وزیر اعظم نریندر مودی نے کہیو کہ دوائے ممالک غے درمیان کئی شعوباں مانہ تعاون غی بہت گنجائش ہے جن مانہ ڈیجیٹل ٹیکنالوجی زراعت دفاع ریلوے تے خلائی تحقیق شامل ہے۔ انہاں نے کہیو کہ بھارت تے پیرا گوے دہشت گردی غے خلاف جنگ مانہ ایک ساتھ ہیں۔

LG MEHBOOBA

جموں کشمیر غی سابق وزیر اعلیٰ تے جموں کشمیر پی ڈی پی پارٹی غی صدر محبوبہ مفتی نے اج راج بھون مانہ لیفٹیننٹ گورنر منوج سنہا سنگ ملاقات کی اس دوران محبوبہ مفتی نے شری امرناتھ جی یاترا غا ہموار انعقاد تے وادی مانہ کشمیری پنڈت برادری غی باوقار واپسی تے باز آبادکاری سمیت مختلف اہم امور تبادلہ خیال کیو۔ ایک پریس کانفرنس سنگ خطاب کرتا مانہ انہاں نے اس طرح کہیو۔

RANA MEETING

عید الاضحیٰ غا موقع ور بہتر تے پُر امن انتظامات مانہ یقینی بنان واسطے جل شکتی غا وزیر جاوید رانا نے اج سول سیکرٹریٹ جموں مانہ ایک اجلاس غی صدارت کی اس اجلاس مانہ ڈویژنل کمشنر جموں وزیر اعلیٰ غا مشیر تے تمام ضلاع غا ڈپٹی کمشنرز نے مجازی طور ور شرکت کی۔ اجلاس مانہ جاوید رانا نے تمام محکماں مانہ ہدایت دتی کہ عید غے تہاڑے بجلی، پانی، صفائی، حفاظت صحت غی سہولیات تے نماز دوران دیگر تمام بنیادی سہولیات غو مناسب انتظام کیو جے۔ تانجے عوام مانہ کسی قسم غی تکلیف نہ وے۔ آکاشوانی غا خبراں آلا شعبہ سنگ گل کرتا واں جاوید احمد رانا نے اس طرح کہیو۔

USHA KIRAN DIES

معروف ڈوگری مصنفہ تے شاعرہ اوشا کرن گو اج سویرے ایمر جموں مانہ انتقال ہو گئی
مصنفہ 67 براں غی موت ور گہرا صدمہ غو اظہار کیو ہے اوشا کرن آکاشوانی جموں توں
بطور شاعرہ 35 سالان توں وابستہ تھیں تے انہاں نے گیتاں تے نظماں غا 8 مجموعہ لکھیا
ہیں اُن غی آکری رسومات شام 6 بجے چھنی ہمت شمشان گاہ میدان مانہ ادا کی جے غی۔
محترمہ نانہ اظہار تعزیت پیش کرتا مانہ صدر ڈوگری سنتھا جموں پدما پروفیسر للت مگوترا
نے اس طرح کہیو۔

REASI DRUG CAMPAIGN

منشیات غا استعمال غے خلاف 26 روزہ بیدارہ مہم اج ریاسی مانہ شروع کی گئی۔ اس مہم غو
مقصد نوجوانان نانہ منشیات غا مضر اثرات غے بارہ مانہ آگاہی تے باختیار بنانو ہے یہ مہم
ضلع انتظامیہ محکمہ سماجی بہبود تے ضلع پولیس گو ایک مشترکہ پیغام ہے ڈپٹی کمشنر
ریاسی ندھی ملک نے سرکاری ہوائز ہائر سکینڈری سکول ریاسی توں اس مہم گو آغاز کیو
تے اس مہم غا آغاز غا موقع ور مختلف کھیڈاں تے ثقافتی سرگرمیاں
مانہ طلباء غی پُر جوش شرکت گو مشاہدو کیو گئیو۔ اس مہم بارے معلومات دیتا واں ایڈیشنل
ایس پی ریاسی افتخار چودھری نے اس طرح کہیو۔

LAVENDER FESTIVAL

بھدرواہ مانہ لائونڈر فیسٹیول غا اختتامی دن ور اج منعقد ہون آلا اہم پروگراماں مانہ
لائونڈر فیلڈ غو دورو ڈسٹیلیشن غو براہ راست مظاہرو اروما پروڈکٹ یونٹ غو دورو تے
تکنیکی سیشن شامل تھا۔ اد سو روزہ میلہ گو افتتاح گزشتہ روز مرکزی وزیر ڈاکٹر جتندر
سنگھ نے کیو تھو اس میلہ غو مقصد خطہ مانہ لائونڈر غی کاشتکاری غی کامیابی تے
صلاحیت غو جشن منان بارے منعقد کیو گئیو تے اس میلہ نے کساناں کاروباری افراد تے
سیاحان نانہ اپنی طرف متوجہ کیو ہے جھیڑو جے خوشبو دار کاشت مواقع غی نمائش کرے
تے خطہ غی زراعت ور مبنی معشیت نانہ فروغ دے۔

MAJOR TUNNEL

جموں اکھنور تے راجوری قومی شاہراہ ور نوشہرہ ٹنل ور کم تقریباً مکمل ہو گئیو ہے جس
سنگ راجوری تے پونچھ دوہاں ضلعان غا لوکاں نانہ سفر مانہ بڑی راحت ملے غی
کیونجے یہ اہم ٹنل تقریباً 30 کلو میٹر سفر نانہ کھٹ کریں گا۔ دسیو گئیو ہے کہ نوشہرہ ٹنل
7 سو میٹر لمبو سرنگ ہے جس نانہ 4 سو 41 کروڑ روپیاں غی لاگت سنگ تعمیر کیو جارہیو
ہے جد کہ اس ٹنل غو کم آخری مرحلہ ور ہے۔

VIKSIT KRISHI

زراعت غا شعوبہ نانہ فروغ دین واسطے ایک اہم پہل غا طور ور وکست کرشی سنکلیپ
ابھیان کساناں نانہ زرعی سائنسدانان تے مختلف محکمہ جات گا افسراں سنگ جوڑن گو ایک
پلیٹ فارم فراہم کرا رہیو ہے اس مہم غو مقصد جدید کاشتکاری غا طریقاں سرکاری سکیمیاں
تے پائیدار زرعی اقدامات غا بارہ مانہ کساناں مانہ شوعر بیدار کرنو ہے۔ جموں صوبہ غا
مختلف صلاح مانہ کسان زرعی ماہرین تیں براہ راست گل بات کر رہیا ہیں۔ یوہ عمل کساناں

تے ادارہ جاتی مدد گار نظاماں غے زرمیان تعلق نانہ مضبوط بنا رہیو ہے۔ آکاشوانی غا
خبراں آلہ شعوبہ سنگ گل کرتا واں سکاسٹ جموں گا ڈائریکٹر پروفیسر امریش وید نے اس
طرح کہیو۔

PROG ANNOUNCEMENT

ریجنل نیوز یونٹ آکاشوانی جموں وکست کرشی سنکپ ابھیان ور ایک خصوصی پروگرام
پیش کر رہیو ہے یوہ پروگرام 30 منٹ غو وے گو تے پلک یعنی 3 جون 2025 نانہ دوپہر 12 بج
غے 30 منٹ ور نشر کیو جے غو۔ اس خصوصی پروگرام مانہ مہمان خصوصی وین گا
پروفیسر امریش وید جھیڑا سکاسٹ جموں غا ڈائریکٹر ہیں تے ڈاکٹر پون کمار شرما جھیڑا
پروفیسر تے سربراہ ہیں سکاسٹ جموں گا جد کہ پروگرام غی میزبانی کریں غا مارا انکر
وجے بجاج تے ابھیلاشا شرما یاہ خصوصی نشریات کساناں ن نانہ باختیار بنان ور مبنی
وے غو۔ مزید معلوماتی نشریات واسطے سنٹا رہیو آکاشانی نیوز جموں میڈیم ویو 990 کلو
ہٹز ایف ایم 100.3 میگا ہٹز تے 104.5 میگا ہٹز۔

TIRANGA CYCLE RALLY

فٹ انڈیا مشن نانہ فروغ دین واسطے گزشتہ روز جموں مانہ ترنگا سائیکل ریلی غو انعقاد
کیو گیو۔ بھارت غی کھیڈ تھارٹی غے زیر اہتمام ریلی نانہ ایم۔ اے سٹیڈیم توں جموں کشمیر
سپورٹس کونسل غی سیکرٹری نریت گل نے چھنڈی دس غے روانہ کیو واضع رہ جے اس
ریلی مانہ نہرو یووا کیندر جموں کشمیر سائیکلنگ تنظیم تے مقامی کلباں نے شرکت کی اس
دوران سائیکل سواراں نے جسمانی ورزش نانہ فروغ دتو تے حفاظتی دستاں نانہ اعزاز
سنگ نوازیو گیو۔ آکاشوانی غا خبراں آلا شعوبہ سنگ گل کرتا واں ایک شراکت دار نے اس
طرح کہیو۔
